

OBAVJEŠTENJE ZA KANDIDATE KOJI SE PRIJAVLJUJU NA JAVNI KONKURS, ODNOSNO INTERNI OGLAS I JAVNI KONKURS/POZIV ZA IZBOR ČLANOVA UPRAVNIH ODBORA

PRIJAVA NA JAVNI KONKURS/POZIV/INTERNI OGLAS

Za svaki raspisani javni konkurs/interni oglas podnosi se prijava. Obrazac prijave potrebno je čitko popuniti, sve rubrike moraju biti popunjene te isti treba svojeručno potpisati.

Prijava ne dokazuje nijedan traženi uslov tekstem konkursa/oglasa, isti olakšava rad Komisije/Odbora koji vrši selekciju, intervju i odabir kandidata, te predstavlja samo informaciju o kandidatu. Kandidati su materijalno i krivično odgovorni za tačnost podataka navedenih u prijavi. Nakon pismenog obavještenja Komisije/Odbora o utvrđivanju rang-liste najuspješnijih kandidata, kandidati koji su utvrđeni kao najuspješniji dostavljaju dokumente kojima dokazuju ispunjenost općih, minimalnih i posebnih uslova iz javnog konkursa/internog oglasa.

Prijava koja se podnosi važi samo za raspisani konkurs/oglas. Kandidati koji se žele prijaviti na više pozicija u jednom raspisanom konkursu/oglasu, podnose samo jednu prijavu na kojoj označavaju redni broj pozicija na koje se žele prijaviti.

Ukoliko su istovremeno raspisana dva ili više konkursa/oglasa, podnosi se odvojena prijava za svaki raspisani konkurs/oglas.

Sve rubrike popuniti! Ne ispravljati obrazac prijave ni unesene podatke! Obrazac prijave potpisati!

DOKUMENTACIJA KOJOM SE DOKAZUJE ISPUNJAVANJE USLOVA IZ RASPISANOG JAVNOG KONKURSA/INTERNOG OGLASA

DIPLOMA, SVJEDOČANSTVO

Diplomom ili drugim dokumentom, kao što su uvjerenje, potvrda, svjedočanstvo i drugo, izdatim od obrazovnih institucija u Bosni i Hercegovini, dokazuje se minimalni uslov za radno mjesto, tj. stručna sprema. Ispunjavanje ovog uslova dokazuje se isključivo ovjerenom kopijom.

Kandidati koji su završili obrazovanje van Bosne i Hercegovine, odnosno koji su diplomu ili drugi dokument stekli u nekoj drugoj državi nakon 6. 4. 992. godine, dužni su dostaviti ovjerenu kopiju nostrifikovane diplome ili drugog dokumenta o završenom obrazovanju.

Ukoliko kandidat iz određenih razloga ne posjeduje fakultetsku diplomu, on može dostaviti i ovjerenu kopiju uvjerenja o diplomiranju, koje ne može biti starije od roka potrebnog za izdavanje diplome, odnosno načelno ne može biti starije od jedne godine. Ukoliko diploma nije izdata u predviđenom roku, u tom slučaju treba dostaviti potvrdu od visokoškolske ustanove da diploma nije izdata.

Za kandidate koji su visoko obrazovanje stekli po Bolonjskom visokoobrazovnom procesu, uz diplome dostavljaju i dodatak diplomi koji je “javna isprava koja se izdaje i prilaže uz diplomu akreditirane i licencirane visokoškolske ustanove radi detaljnijeg uvida u nivo, prirodu, sadržaj, sistem i pravila studiranja i postignute rezultate tokom studija lica kojem je diploma izdata” u skladu s članom 95. Zakona o visokom obrazovanju u Brčko distriktu BiH (“Službeni glasnik Brčko distrikta BiH”, broj 30/09).

VAŽEĆE UVJERENJE O DRŽAVLJANSTVU

Pod važećim uvjerenjem o državljanstvu podrazumijeva se uvjerenje o državljanstvu ne starije od 6 (šest) mjeseci.

Kandidati su dužni dostaviti original ili ovjerenu kopiju uvjerenja, a istim se dokazuje opći uslov iz člana 27. stav (1) tačke a) i b) – uslovi za zasnivanje radnog odnosa – Zakona o državnoj službi u organima uprave Brčko distrikta BiH („Službeni glasnik Brčko distrikta BiH”, brojevi: 28/06, 29/06, 19/07, 2/08, 9/08, 44/08, 25/09 i 26/09), gdje je, između ostalog, kao opći uslov propisano da bi neko lice moglo zasnovati radni odnos u organima uprave kao službenik ili namještenik mora ispunjavati uslov i “da je državljanin BiH”, te “da je punoljetan”.

DOKAZ O RADOM ISKUSTVU

Svi dokazi moraju biti na jednom od jezika u službenoj upotrebi u BiH, u skladu sa Zakonom o važnosti javnih isprava u Bosni i Hercegovini.

Kao dokaz kojim se dokazuje radno iskustvo u struci/zvanju/relevantno radno iskustvo mogu se dostaviti:

- potvrde ili uvjerenja poslodavca ili poslodavaca kod kojih je kandidat radio ili radi, koja moraju biti precizna i detaljna, odnosno na kojima treba da stoje podaci o tome na kojim poslovima je kandidat radio – naziv radnog mjesta, da li su to poslovi s traženom stručnom spremom (VSS, VŠS, vkv., SSS – IV ili III stepen...), koliko dugo je obavljao navedene poslove, po mogućnosti opis poslova, navesti jasno precizan period radnog angažovanja na radnim zadacima, dakle što više podataka koji će dokazati potrebno radno iskustvo;
- uz navedenu potvrdu ili uvjerenje, potrebno je dostaviti uvjerenje Zavoda za PIO – listing uz obavezno dostavljanje potvrde koja razjašnjava šifre zanimanja s listinga, tako da se na osnovu ovih dokumenata može utvrditi da li je kandidat radio na poslovima tražene stručne spreme i koliko dugo, odnosno da posjeduje traženo radno iskustvo;
- pismo preporuke uzima se u obzir kada isto sadrži sve elemente potvrde koji su pojašnjeni u obrazloženju “potvrde”.

- Radno iskustvo na istim ili sličnim poslovima

Ukoliko se radi o radnom iskustvu na istim ili sličnim poslovima, potvrda ili uvjerenje moraju sadržavati podatke na osnovu kojih je moguće utvrditi da je kandidat radio na istim ili sličnim poslovima u odnosu na poslove i zadatke radnog mjesta na koje se prijavio, dakle, podatke na kojim poslovima je kandidat radio, naziv radnog mjesta, da li su to poslovi sa VSS, VŠS, SSS itd., opis radnih zadataka, koliko dugo je obavljao navedene poslove i druge podatke kojima se dokazuje posjedovanje traženog radnog iskustva.

DOKUMENTI KOJI SE NE PRIHVATAJU KAO VALJAN DOKAZ O TRAŽENOJ VRSTI RADNOG ISKUSTVA

- radnom knjižicom ne može se dokazati nijedan oblik radnog iskustva;
- ne dostavljati ugovor o radu, ugovor o obavljanju privremenih i povremenih poslova, ugovor o djelu, rješenje ili odluku o zasnivanju radnog odnosa – isti dokazuju samo početak radnog angažmana i naziv radnog mjesta, ne i kontinuitet istog;
- sporazum, rješenje ili odluku o prestanku radnog odnosa – dokazuje samo trenutak prestanka radnog angažmana.

Navedeni dokumenti ne mogu biti valjan dokaz o traženoj vrsti radnog iskustva.

UVJERENJE O POLOŽENOM ISPITU ZA RAD U ORGANIMA UPRAVE

- U skladu s članom 48. Zakona o državnoj službi Brčko distrikta BiH („Službeni glasnik Brčko distrikta BiH“, brojevi: 28/06, 29/06, 19/07, 2/08, 9/08 i 44/08, 25/09 i 26/09) ispit za rad u organima uprave ne moraju polagati:.

- a) službenici koji imaju položen pravosudni ispit,
- b) službenici koji imaju položen ispit za sudije za prekršaje,
- c) namještenici, osim tehničkog sekretara koji u organima uprave obavlja opće i administrativne poslove,

- d) javni službenici koji obavljaju stručne poslove u organima uprave koji obuhvataju i organizacione dijelove gdje se obavljaju poslovi koji po svojoj prirodi nisu upravnog karaktera (prosvjetni radnik, vatrogasci, medicinsko osoblje i slično),
 - e) lica koja su oslobođena od obaveze polaganja stručnog upravnog ispita za visoku, višu i srednju stručnu spremu odlukom nadležnog organa u skladu s propisima,
 - f) magistri i doktori pravnih nauka, docenti i profesori pravnih fakulteta u BiH, te magistri i doktori društvenih nauka iz oblasti ustavnog prava, upravnog prava ili radnog prava,
 - g) lica koje je stručni ispit položilo za visoku, višu i srednju stručnu spremu pred nadležnim organima uprave u okviru druge struke, pod uslovom da je ispit polagao po programu koji je sličan programu za polaganje stručnih ispita u Brčko distriktu BiH i da je priznat od nadležnog organa, odnosno komisije za polaganje ispita za rad u organima uprave u slučaju da nema odgovarajućeg programa ili odgovarajućeg nadležnog organa u Distriktu,
 - h) lica kome je do ispunjena uslova za penziju ostalo najviše pet godina radnog staža.
- Također, kao položen ispit za rad u organima uprave prihvata se i ispit položen za visoku, višu i srednju stručnu spremu na bilo kojem nivou vlasti pred nadležnim organima uprave u BiH (ili teritoriji drugih republika bivše SFRJ najkasnije od 6. 4. 1992. godine), kao i položen ispit u drugim državama s kojima Bosna i Hercegovina ima potpisan sporazum o međusobnom priznavanju takvih ispita.
 - U procesu selekcije prijavljenih kandidata na interni oglas ili javni konkurs za upražnjeno radno mjesto službenika, Odbor za zapošljavanje će uzeti u razmatranje i kandidate koji nemaju položen ispit za rad u organima uprave, ali s obavezom da ukoliko budu izabrani ispit moraju položiti u roku od 6 mjeseci po isteku probnog rada, inače im se radni odnos automatski raskida.

UVJERENJE O NEVOĐENJU KRIVIČNOG POSTUPKA

Navedeno uvjerenje ne smije biti starije od tri mjeseca, a izdaje ga nadležni sud prema mjestu prebivališta.